

佛说老女人经

吴月支优婆塞支谦译



南無本師釋迦牟尼佛

说 明

本简体版《佛说老女人经》电子书，是根据清制《乾隆大藏经》第 38 册、第 0220 部，大乘五大部外重译经部吴月支优婆塞支谦译《佛说老女人经》影印本校正的。特此说明。

仁慧草堂

二〇一六年七月

目 录

● 起诵仪.....	- 1 -
香赞.....	- 1 -
开经偈.....	- 1 -
佛说老女人经.....	- 2 -
● 结诵仪.....	- 5 -
补阙真言.....	- 5 -
三皈依.....	- 5 -
回向偈.....	- 6 -
回向偈.....	- 6 -

● 起诵仪

香赞

(一遍)

炉香乍爇. 法界蒙熏. 诸佛海会悉遥闻. 随处结祥
云. 诚意方殷. 诸佛现全身.

南无香云盖菩萨摩訶萨 (合掌三称)

南无本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

佛说老女人经

吴月支优婆塞支谦译

闻如是：一时，佛在堕舍罗，所止处名乐音，时有八百比丘、菩萨万人俱。

时有贫穷老女人来到佛所，以头面著地，为佛作礼，白佛言：“愿欲有所问。”

佛言：“善哉当问！”

老女人言：“生从何所来，去至何所？老从何所来，去至何所？病从何所来，去至何所？死从何所来，去至何所？色、痛痒、思想、生死、识从何所来，去至何所？眼、耳、鼻、口、身、心从何所来，去至何所？地、水、火、风、空从何所来，去至何所？”

佛言：“善哉！问是大快。生无所从来，去亦无所至。老无所从来，去亦无所至。病无所从来，去亦无所至。死无所从来，去亦无所至。色、痛痒、思想、生死、识无所从来，去亦无所至。眼、耳、鼻、口、身、心无所从来，去亦无所至。地、水、火、风、空无所从来，去亦无所至。诸法皆如是。譬如两木相揩¹，火出还烧木，木尽

¹ 音 kāi，磨也。

火便灭。”

佛问老女人：“是火从何所来，去至何所？”

老女人言：“因缘合便得火，因缘离散火便灭。”

佛言：“诸法亦如是，因缘合乃成，因缘离散即灭，法亦无所从来，去亦无所至。目见色即是意，意即是色，二者俱空，无所有成，灭亦如是。譬如鼓，不用一事成，有皮、有𦉳²，有人持桴³打鼓，鼓便有声。是声亦空，当来声亦空，过去声亦空。是声亦不从皮，亦不从𦉳，亦不从桴、从人手出，合会诸物乃成鼓声。声从空尽空，万物亦尔。本净无所有，因作法，法亦无所有。譬如云起阴雾便雨，不从龙身出，亦不从龙心出，皆龙因缘所作乃致此雨。诸法亦无所从来，去亦无所至。譬如画师先治壁板素，便和调诸彩，自在所作，是画不从壁板素出，亦不从人手出，随意所作，各各悉成。生死亦如是，各自随所作行，譬祸生泥犁，天上、人间亦尔。有解是者不著，著便有。”

老女人闻之大欢喜言：“蒙佛恩得法眼，虽身羸老，今得开解。”

² 音 sāng，鼓匡木。

³ 音 fú，击鼓的槌。

阿难整衣服，长跪白佛言：“是老女人何以智慧乃尔，闻佛言即开解？”

佛告阿难：“是老女人者，是我前世发意学道时母也。”

阿难问佛言：“是母何以贫穷困苦乃尔？”

佛言：“往昔拘留秦佛时，我欲作沙门，是母慈爱，不肯听我去，我忧愁不食一日，用是故五百世来生世间辄⁴贫穷。今寿尽当生阿弥陀佛国，供养诸佛，却后六十八亿劫，当作佛，号波捷，其国名化华。作佛时，人所有被服、饮食如忉利天上，其国中人民皆寿一劫。”

佛说经已，老女人及阿难，诸菩萨、比丘僧，诸鬼、神、龙、天、人、阿须伦，皆大欢喜，前为佛作礼而去。

佛说老女人经卷终

⁴ 音 zhé，总是也。

佛说老女人经

● 结诵仪

补阙真言

(三遍)

南无喝啰怛那. 哆啰夜耶. 佉啰佉啰. 俱住俱住.
摩啰摩啰. 虎啰. 吽. 贺贺. 苏怛那. 吽. 泼抹拏. 娑
婆诃.

三皈依

(一遍)

自皈依佛, 当愿众生, 体解大道, 发无上心;
自皈依法, 当愿众生, 深入经藏, 智慧如海;
自皈依僧, 当愿众生, 统理大众, 一切无碍, 和南
圣众。

南无文殊师利菩萨摩诃萨 (合掌三称)

南无本师释迦牟尼佛 (合掌三称)

回向偈

(一遍)

诵经功德殊胜行 无边胜福皆回向
普愿沉溺诸有情 速往无量光佛刹
十方三世一切佛 一切菩萨摩诃萨
摩诃般若波罗蜜

回向偈

(一遍)

愿以此功德 普及于一切
我等与众生 皆共成佛道



此咒置经书中可灭误跨之罪

南无护法韦驮尊天菩萨

